



Broj: 01-05-1480/18
Sarajevo, 26.02.2018. godine

SKUPŠTINA KANTONA SARAJEVO

- o v d j e -
n/r prof. Ana Babić, predsjedateljica

PREDMET: Dostava odgovora na zastupničko pitanje – zastupnica Neira Dizdarević

Zastupnica u Skupštini Kantona Sarajevo, Neira Dizdarević, na 37. Radnoj sjednici Skupštine Kantona Sarajevo, održanoj dana 31.01.2018. godine, u okviru tačke Dnevnog reda "Zastupnička pitanja, inicijative i odgovori", u skladu sa Poslovnikom Skupštine Kantona Sarajevo, postavila je zastupničko pitanje, kako slijedi:

"... upućujem zastupničko pitanje Ministarstvu prostornog uređenja, građenja i zaštite okoliša Kantona Sarajevo, a vezano za subvencioniranje priključaka individualnih stambenih objekata na distributivnu gasnu mrežu KJKP Sarajevogas. Upoznata sam da je krajem 2017. godine potpisani Sporazum o realizaciji projekta između resornog ministarstva i navedenog preduzeća, u skladu sa mjerama predviđenim KEAP-om i planiranim izdvajanjem finansijskih sredstava u budžetu za 2018. godinu. Moje pitanje se odnosi na kriterije izbora korisnika ovih subvencija, sa posebnim naglaskom na stanovnike padinskih dijelova- da li postoji zainteresovanost istih za priključivanje na gasnu mrežu i da li postoji potreba za veći broj priključaka od onih predviđenih ovim Sporazumom?"

ODGOVOR:

Sporazum o saradnji na realizaciji projekta "Subvencioniranje gasnih priključaka na postojeću infrastrukturu Sarajevogasa", potpisano između Ministarstva prostornog uređenja, građenja i zaštite okoliša Kantona Sarajevo i KJKP "Sarajevogas" dana 27.12.2018. godine obuhvata:

1. izgradnju novih priključaka individualnih stambenih objekata na distributivnu gasnu mrežu i
2. rekonstrukciju unutrašnje gasne instalacije, sa ili bez nabavke i ugradnje gasnih aparata vlasnicima individualnih stambenih objekata čiji su objekti priključeni na distributivnu gasnu mrežu na dan 31.12.2017. godine, a zbog tehničke neispravnosti unutrašnjih gasnih instalacija ne koriste prirodni gas duže od tri godine.

U funkciji provedbe predmetnog Sporazuma, intenzivno se obavljaju pripremne aktivnosti na definisanju Kriterija za izbor korisnika subvencije troškova rekonstrukcije unutrašnje gasne



instalacije sa ili bez nabavke i ugradnje gasnih aparata, kao i Kriterija za izbor korisnika subvencije troškova izgradnje novih priključaka individualnih stambenih objekata. Prilikom izrade navedenih kriterija, prednost će imati stanovnici padinskih dijelova grada.

S obzirom da nije raspisan Javni poziv, preuranjeno je govoriti o zainteresovanosti istih za priključivanje na gasnu mrežu. Budžetom Kantona Sarajevo za 2018. godinu predviđena su sredstva za nastavak realizacije navedenog projekta.

S poštovanjem,

MINISTAR

Čedomir Lukić, dipl.ing.arch.

Dostaviti:

- Naslov
– Stručna služba Vlade Kantona Sarajevo, ovdje
– Evidencija
– a/a

